

Theologiæ Sacramentalis Scholasticæ Et Moralis Pars ...

Ad Mentem Doctoris Subtilis Ioannis Duns Scoti D. Augustino conformen

In Qua Tractatur De Contractu Et Sacramento Matrimonii

Bosco, Jean a

Lovanii, 1678

Concl. IV. Leges civiles, quæ filios, vel filias, nubentes contra justam & rationabilem voluntatem parentum, exhæredari posse à parentibus volunt, justæsunt atque servandæ.

[urn:nbn:de:hbz:466:1-73432](#)

*in Matr.
debet esse
rationabilis.*

chio aut Aliis adducitur; ac proinde ultima probatio Sanchii æquè incerta est, atque res, cuius est probatio, & ideo merito rejicienda, maximè, cùm libertas requisita in Matrimonio, ut adverterit Pontius suprà n. 29. debeat esse rationabilis & justa; & ideo putat h̄c Author, leges civiles, quæ filios vel filias, nubentes contra justam & rationabilem voluntatem parentum, exhæredari posse à parentibus volunt, justas esse atque servandas; quia minime correctæ sunt per jus canonicum, quod solum prohibet ea, quæ minuere possint rationabilem Matrimonii libertatem; porrò libertas contrahendi contra rationabilem voluntatem parentum non videtur rationabilis. Erit itaque.

CONCLUSIO IV.

Leyes civiles, quæ filios, vel filias, nubentes contra justam & rationabilem voluntatem parentum, exhæredari posse à parentibus volunt, justæ sunt atque servandæ.

176.
*Prima pro-
batio Con-
clusus ex San-
chez.*

Pro hac sententia Sanchez lib. 4. disp. 25. n. 1. citat quamplures Auctores tam Juperitos, quam Theologos, & vocat eam probabilissimam propter has rationes. Prima; quia non tollit iis legibus libertas ad Matrimonium ineundum, sed eam moderantur, ne in Republicæ dispendium ac perturbationem eā contrahentes abutantur, statuentes penas in abundantibus, ineundo Matrimonium invitatis parentibus, unde perturbationes & rixæ in Repub. oriri solent; ergo justæ sunt, nec juri canonico adversantur.

177.
Secunda.

Secunda: quia cùm Matrimonium sit Sacramentum, & contractus naturalis & politicus; licet ut Sacramentum est, nihil possit secularis potestas disponere; at quatenus contractus est, ipsius est curare, ut convenienter quieti & paci Repub. celebretur, ergo potest statuere penas alteri contrahenti.

Tertia.

Tertia: quia poena, consistens in lucro non acquirendo, non adveratur libertati Matrimonii, sed valida est; sed cùm leges privant hæreditate contrahentes absque patris consensu, non agunt de damno incurredo, sed de non acquirendo lucro, ipsis solis legibus civilibus debito; ergo tales leges iultæ sunt nec repugnant libertati Matrimonii. Probatur Minor; quia jure naturæ sola alimenta, vitæ necessaria, debentur filiis, quæ per exhortationem minime auferuntur, juxta veriorem sententiam. Hæreditas autem per leges civiles debetur; & licet dicatur filiis debita, leg. fin. verl. penult. C. de Codicillis,

etiam viventibus parentibus, Glosso Authent: de Hæredit. & falcid. §. Si quis vero non impens, verb. Ausserri, & ita filii respectu legitima videantur agere de damno vitando, cùm rem sibi debitam petant: ac revera non est debita legitima, sed quasi debita, & ita judicatur de ea, quasi de lucro captando, ut optimè docet Glosso l. Si emancipata, in fine Cod. de Juris & facti ignorantia. Et hinc ut superflite patre, non publicetur legitima propter filii delictum, nec teneatur pater ex ea condemnationem solvere. Ergo cum in privatione legitimæ agatur tantum lucrum de lucro non acquirendo, poterunt iustæ leges privare hoc lucro, per ipsam concessio, filios, invitis parentibus contrahentes.

His tamen non obstantibus Sanchez supp. n. 2. amplectitur oppositam sententiam, non quam probabiliorem, existimans hujusmodi leges non esse validas, sed jure canonico rectas esse. Et probat 1. quia jus canonicum omnino modum in Matrimonio libertatem cedit, & ideo ne minuatur contrahendi libertas, annullat poenam, in Sponsalibus apponit cap. Gemma, de Sponsal. sed per expeditiōnem valde minuitur hæc libertas; ergo jus canonicum corrigit leges, eam poenam frumentantes.

Respondet Molina de Just. & iure tract. 2. disp. 176. ubi diffusè propagat priorem sententiam, Respondeat, inquam, 28. quod Matrimonio, quo ad fieri comedie possit, libera esse debeant, non tollere, minus Respublica statuere possit rationabilis penas, ad retrahendum ababusis & peccatis, quæ in eis celebrandis, cum Reipublica, iporumque contrahentem detrimet, minorique ipsius Sacramenti decencia, intervire possunt; sicut antequam Matrimonio clandestina à Tridentina Synodo irrita dicta effecta, quod Matrimonio libera esse debent, nihil impidebar, quod minus pecunia, & excommunicationis poena, ab Ecclesiâ ipsa, clandestinè contrahere intendentibus statueretur, ut ab eo contrahendi modo, qui occasio erat multorum malorum, homines abstinerent; cùm tamen multi & multe, sicut aliter, quam clandestinè, contrahere cum ei possent, cum quibus voleant.

Item: quod Matrimonio libera esse debeant, non tollit, quod minus cogitat penas cum ea contrahere, cui se eandem dubium uxorem promisit. Poena autem que juxta cap. Gemma, locum in Matrimonio non habet, est conventionalis, quam privata apponant, aut qua Matrimonio praecudit afferat; non autem Ecclesiæ in eo cap. aut in quovis alio jure, in mentem venit, irritare facere leges aut penas, quas Respublica facularis, ad impediendos abusus & peccata ipsammet contrahentibus, & Reipublice nostræ.

Sect. 5. De Permissione & Precepto Matrimonii. Concl. 4.

361

& Sacramento minùs decentia, merito statuerent; neque in Ecclesia, ut dictum est, videtur esse talis potestas. Hæc ille.

Addo ego: satis probabile esse, ut ostendimus Sect. i. præsentis Disputationis Conclus. 11. Sponsalia licet muniri poenis, danis ab injūtiæ resiliente, non obstante capite, Gemma. Proinde etiam ex jure Canonico non requiritur omnimoda libertas in hoc contractu; sed solum libertas justa, & rationabilis; quæ etiam requiritur ex jure civili, ut vide poteris loci citato. Sicut ergo libertati, requisitæ ex jure civili, non repugnant leges illæ, quæ puniunt ex hæredatione Matrimonium, contractum contra voluntatem parentum; ita etiam non repugnant libertati, requisitæ per jus Canonicum. Prima ergo probatio Sanchii nullatenus convincit intentum.

181. - Probat. 2. quia cap. Tuam de Ordine cognit. & cap. Causam, 2. Qui filii sint legitimi, &c. i. de Sponsal. definit, causas matrimoniales, & condere leges circa Matrimonio, non spectare ad potestatam sæcularem. Hinc Concilium Trident. sess. 24. Can. 12. Si quis dixerit, causas matrimoniales non spectare ad Judices Ecclesiasticos; anathema sit.

182. Respondet Molina suprà n. 29. aliud esse causam matrimonialem, aliud verò abusum, Reipublicæ, ipsius quem contrahentibus novum, qui cum voluntate contrahendi sine parentum consensu interdum est conjunctus; atque illud primum spectare solum ad Ecclesiasticas potestates: puniri verò hoc secundum, postquam Matrimonium est celebratum, nihil se immiscendo in Matrimonii contractu, validusne fuerit, riteque juxta divinum jus, statutaque Ecclesiae celebratus, an non, pertinere ad laicas potestates, ad quas eadem ratione spectat statuere prius leges, & penas, quibus idem abusus puniatur.

Addere possumus tertiam probationem, ex eod. Concil. ead. sess. de Refor. Matr. c. 9. ubi: Præcipit S. Synodus omnibus, cuiuscumque gradus, dignitatis & conditionis existant, sub anathematis pena, quam ipso facto incurvant, ne quovis modo directè vel indirectè subditos suos, vel quo cumquis alios cogant, quò minus liberè Matrimonia contrahant. Ergo illicitæ ac nulæ sunt leges, quibus statuitur, ut parentes ex hæredare possint filios, nubentes contra ipsum voluntatem.

Respondet Molina suprà n. 30. perspicue non esse in eo capite sermonem de his, qui filiabus familiæ, aut filiis sine parentum consensu contrahentibus poenam statuunt; id quod Patres, ad dubia, quæ circa Concilium Tridentinum occurrunt, expediens, deputati expresserunt: neque enim eo in loco ulta sit mentio de parentibus, qui ea de causa filias ex hæredant; sed esse solum sermonem

de his Principib[us] & Magistratibus, qui sibi subditos cum iis Matrimonia invitos celeb[ra]re cogunt, quos cā ratione ditare volunt. Ita Molina.

Porrò rationes illius Auctoris (ut notat Pontius suprà) quibus probat suam sententiam, omnes cō tendunt, quod illis legibus, Rationes Molinae, non fiat injuria Sacramento; cum, etiam si nubant filii invit[us] parentibus, Matrimonium valeat. Ex alia verò parte cedit in magnam Reipublica utilitatem, ne sublato frēno ac meru ex hæredationis, filii familiæ deturpent, ignobiles ducentes uxores. Nec verò deest in Principe sæculari potestas; quia quando lege vel statuto nullum damnum Sacramento Matrimonii, neque bono spirituali contrahentium sequitur, & ex alia parte, abusus Republicam fœdantes, pacemq[ue] publicam & commune bonum perturbantes impediunt, non video (inquit Molina) cur afferendum sit, vel Ecclesiam unquam intendisse id prohibere Principibus sæcularibus, quod minùs eas leges ferrent, vel esse potestatem in Ecclesia, ad id prohibendum.

Sed dicet aliquis: de facto Ecclesia, postquam filia ad pubertatis annos pervenit, elegitque contrahere cum viro indigno, non solum permittit; sed etiam adjuvat & defendit, ut parentibus etiam invit[us] in ipsius facie contrahat; idque propter eam, quod juris suis sit ad id faciendum, per accidentem, utendo ita jure suo, malè faciat, ac peccet, non parendo patri, se que ita turpiter abiciendo: ergo propter eam, ita permitente, adjuvante ac defendantे Ecclesia, in facie ipsius contrahat, neque pater neque sæcularis Respublica potest eam punire, præsertim poenâ adcederib[us], ac est ex hæredatio.

183. Responder Molina suprà n. 27. hoc argumentum probare quidem, Sponsum & sponsam habere jus, ad tradendum sibi mutuò per Matrimonii contractum, quem in facie Ecclesiæ celebrare volunt, potestatem in sua corpora, taleque Matrimonium validum esse, neque Ecclesiam eo ipso, quod ita in ipsius facie contrahere volunt, posse illos impedire; quin potius teneri, eos adjuvare, protegere ac defendere, etiam adversus parentes; ne postquam id ita elegerunt, jure illo uti prohibentur: nihilominus id non tollere, quin ordinatè contra parentum voluntatem, cum tanto suo, parentum, ac Reipublicæ derimento id ita volendo, peccent, possintque id circò à parentibus, & Republica, legitimæ privatione, aliique poenam, qua prudentis arbitrio, bono Reipub. expedire videbuntur, justè puniri, ne similia flagitia passim in Respublica deinceps fiant. Itaque non puniuntur contractus Matrimonii, ululque iuriis in tradenda mutua potestate corporum; sed inobedientia & inordinatio in utendo

Rationes
Molinae,
Pontius,

184. Objetio:

Solvitur à
Molina:

tunc

362

tunc cum illis circumstantiis eo jure, & cum tanto detimento proprio, & parentum, ac Reipub. quod nequaquam Ecclesia approbat, sed vituperat ad detestatur, ut patet 20. q. 5. c. 1. 3. & 4. Hactenus Molina.

186.
Alia solutio
ex Pontio.

Aliter responderi posset ad hoc argumentum cum Pontio supra n. 28. Ecclesiæ Praelatos non sine peccato favere, ante contratum Matrimonium, filiis voluntibus contrahere sine parentum consensu, quando parentes justè & ex rationabili causa contradicunt; alias si justè id Praelati facerent, darebū bellum utrimque iustum, scilicet inter parentes impeditentes & Praelatos defensantes, quod multis confirmat Menochius lib. 1. Consil. consil. 96. à n. 32. Cooperantur ergo iniquitati filiorum, quod sine peccato non licet. Unde & caute Tridentinum less. 24. cap. 1. de Refor. Matr. tunc tantum vult de-nuntiationis licet à Praelatis omitti posse, quando probabilis suspicio sobest, Matrimonium malitiosè impedientium; ubi satè aperte infusat, si iuste & non malitiosè à parentibus aut alius Matrimonium impediatur, non esse favorem praestandum ab Ecclesiæ. Hæc ille.

Qui etiam alio argumento probat sententiam Molinæ dicens n. 29 Si negari non possit, iustas esse eas conditiones, quæ in Majoratibus apponi solent, ut ad alios transeant, si qui vocatur ad successionem nupserit impari, aut infecto Judæorum aut Saracenorum sanguine, quæ privata lex quædam est; cur etiam non licet Principibus, potestatē facere parentibus, ut hereditatis aut legitimæ beneficio privent filios; contra eorum rationabilem voluntatem nubentes? Ita Pontius.

Resp. ad
hanc proba-
tionem.

Negari itaque non potest, hanc sententiam esse probabilissimam; quamquam & opposita sententia Sanchii & Aliorum verè sit probabilis. Pro qua Respondeo ad hoc ultimum argumentum Pontii; aliter judicandum esse de actu aliquo privato, quād de lege publica. Sic enim quilibet contrahens potest apponere conditionem aliquam suo Matrimonio, quā non subsistens, Matrimonium sit invalidum; id tamen non potest fieri per aliquam legem publicam civilem; sed hoc de facto spectat ad solam potestatem Ecclesiasticam, ut suo loco fusiū dicetur.

188.
Solvitur al-
liud arg.
ejusdem Au-
toris, de In-
dice civili.

Hinc etiam solvitur aliud argumentum ejusdem Autoris, de Jure civili, qui justè potest adigere aliquem ad Matrimonium; v. g. offerendo reo liberationem à morte, si velit tale aut tale Matrimonium contrahere; sicut enim quilibet privatus, qui offerret alicui sumimam pecunia, si velit cum tali persona contrahere, per hoc non censetur minuere libertatem Matrimonii contra leges Ecclesiasticas, ita nec ille Judex, qui absoluere non cogit, sed solum invitat ad Matrimoniū spe illius liberationis; de quo casu inferius iterum agetur. Ergo Judex civilis potest constitueri legem publicam, qui privet, contrahentes contra voluntatem parentum, hereditate alias fibi debitas; Negatur Consequentia. Quia in priori casu Judex agit instar personæ privatae, offert lucrum indebitum, id est, vitam aliquam justè auferendam; hic autem tamquam persona publica privat contrahentes heredite, quæ licet non sit perfectæ, & undeque que debita, & sic non omnino agatur de damnatione; ar etiam non omnino agitur de lucro acquirendo, sed partim agitur de damnatione, cum si jus acquisitionis filii ad legitimam, quā absque gravi delicto privari nequeat, & sic haber rationem gravissimæ poenæ. Ita Sanchez lib. 4. disp. 13. num. 5.

Cæterum ad primam rationem in principio Concluſ adductam, Responderemus supera; non ad legem saceralem, sed Ecclesiasticam de Matrimonio pertinet, non tamen ne abolitè impediatur libertas Matrimonii, contrahendi, sed ne minuatur; certum autem est per illas leges civiles minui libertatem, sed non abolitè impediatur.

Ad 2. rationem ait: etiam quatenus contractus, non posse legem civilem statuere aliquid, per quod minuatur libertas Matrimonii; repugnat enim ac resistit ius Canonum quod pertinet principaliter de Matrimonio disponere, cum dignius, quod in ipso est, sit esse Sacramentum, & per consequentem spirituale; ac sic trahat ad se minusignum, scilicet esse contractum. Ita Sanchez. An probabilitus, ut ipse putat, relingo iudicio Doctiorum. Ego in praxi tutam judio utramque sententiam, & quidem priorem indebet in secularibus Tribunalibus Juges amplectentur. Posteriorem autem Juges Ecclesiastici.

Et hinc Carolus 5. Edicto 4. Octobr. 1540. prohibuit, Ut nemo sollicitet aut obcas filiam 20 annis minorum, premissis matrimonialibus, aut de facto Matrimonium cum ineat, citra consensum patris, aut matris, proximorumque consanguineorum, si illa carcer, sive demum Magistratus. Simili penæ imponit mulier, quæ juvenem 25. annis minorem educit. Nemo hujusmodi Matrimonii interfici, consentiat, conjuncte hospitetur, sub pena 100 florinorum, seu gravi arbitriaria. Notarii contrahentes aut promissa hujusmodi non scribant, sub pena privationis & arbitriaria. Fjcales animaverint diligenter, ut hujus ordinationis transgressores sine connivenzia puniantur. Ita refutavit Franciscus Zypæus in Notit. Juris Belg. Tit. de Sponsi & Matrim. & continuo extitit: Sed Edictum hoc ferè agit de specie

raptus, & clandestinis Matrimonii, quæ filio parentum, vocent poenam. Et §. 2. dicit, non debere admitti ea, quæ habentur in eisdem Consuetudinibus part. I. tit. 14. art. 21. quatenus ibi per formam poenæ, alibi nubentibus, & Matrimonium consummantibus, statuitur, ut amittant jus civitatis, domiciliumque. Statutum enim, inquit, quo imponitur contrahentibus Matrimonium poena, est nullum & invalidum. Et ratio est; quia Matrimonium & ejus causa, & ipsius dependant pertinent ad forum Ecclesiasticum, cum sit Sacramentum. Quapropter non potest Statutus laicorum regi.

191. Alterum Edictum 23. Novemb. 1623.

Philippi 4. refert ibidem præfatus Auctor sub hac forma verborum: *Philippus aurem 4. posteriori Edicto prius illud innovavit decrevitque, ut filiis familiæ minores 25. annis, qui inscissi aut invititi parentibus, & omnes minores, qui sine consilio & consensu proximorum consanguineorum paterni & materni lateris, & tutorum seu curatorum cuiuscumque sint qualitatibus, contraxerint, incapaces sint omnino lucrorum, quæ directè vel indirectè alter ab altero petere posset, per conventiones, donations inter vivos, aut causâ mortis, testamento, successiones, consuetudinem seu alium quocumque modum; declarando irritas quacumque conventiones & donations, in alterius utilitatem pactas: eaque dispositio viget, quamvis postea parentum consensus superveniat.*

Possunt hujusmodi etiam filiis familiæ à parente & matre exheredari; nec recipiatur quærela subprætextu legitimæ dotis, alimentacionis, aut consuetudinariæ devolutionis, quoad bonum profectum à latere superficit, qui ex iis filio imbedienti jus adimere poterit; non aliis ramen, quibus ex eadem devolutione, jus aliquod debitum sit.

Non comprehenduntur è constitutione filiis: familias majores 25. annis, dummodo consilium patris & matris requisiuerint. Sed neque ii, quorum matres ad secundas nuptias convolaverint, quibus duobus casibus consensum expectare non tenentur. Hucusque Edictum.

192. Subiungit Zypæus: Et verò casus, hoc Edicto prohibitos, exstimo nihilominus juxta præfationem referendos ad Edictum anni 1540. quod parentum diffensum ad censuram Magistratus remittit; qui rationes exiget: quæ si legitimæ non fuerint, Magistratus officium supplebit, & auctoritate suâ contrahendi facultatem faciet, & poenæ eximit, quod auctore judice fit.

Sub Magistratu tam Ecclesiasticum, quācimilem accipio: quod magis Edictum conseruit, nolle adverari cap. 9. sicc. 2.4. de Marr. Trid. anathema statuenti, ipso facto incursum per eos, qui quovis modo directè vel indirectè minis & poenis subditos suos, vel quoscumque alios cogunt, quod minus liberè Matrimonia contrahant. Hæc ille. Et plura de hac materia apud eundem Auctorem reperies.

Prout etiam apud Antonium Anselmum Tribonianum Belgici cap. 17. & 54. Et priori quidem cap. §. 1. reprehendit novas Consuetudines Antwerpenses, quod part. 2. tit. 2. art. 15. exheredationem, quam statuant filii minorenibus, nubentibus absque con-

193.
Hæc Edicta
effe valida
probatur ex
Anselmo.

At verò in posteriori capite, multis rationibus adductis, probat, Edicta Caroli 5. & Philippi 4. esse valida. Primo; quia nihil circa vinculum Matrimonii, aut de ejusdem validitate, aut in invaliditate, nec adversus Canones quidquam disponunt, sed potius, inquit, dicendum est, eosdem juvare & promovere; cum enim Ecclesia hujusmodi Matrimonia semper derelata sit; Edicta verò nostra impedit, ne fiant, & transgressores puniri velint; res manifesta est; Principem jus Pontificium, non ledere, sed potius confirmare.

Secundo; Constitutiones haec latæ sunt, ad persuadendam honestatem & obedientiam, quæ exsistit in exigendo parentum consenti ab ipsis filiis ad conjugalem contractum; verantur quoque dumtaxat circa accidentia Matrimonii, & non derogant libertati Ecclesiasticae, nisi per accidens.

Tertiò; testator potest disponere, ut ejus filia nubat de confilio alicuius tertii, & filio præcipere, ut cum certa persona contrahat, & ne extra certum genus personarum id faciat. Quod autem privato licet, Principi degeneri non potest.

Quarto; predicta bina Edicta sunt lata propter bonum publicum, ut conservetur pax & concordia inter cives, & ad finem, ne puellæ nubiles, maximè divites, vel filiis familiæ masculi minores, habentes tamen extatam habilem ad contrahendum, maximè, ubi essent divites, decipientur, ineundo Matrimonium in æquale respectu sanguinis, ætatis, divitiarum & morum, & per quod toti familiæ infamia seu macula inuri possit.

Taceo; poenas, Constitutionibus hisce impositas tis, qui clandestinè contrahunt, maxime servire ad evitandum peccatum, & nemini fieri est in nores contrahant cum personis prohibitis, & centenaria possessione inter quos cadit impedimentum. Et quod primo loco proponere debuisset, Princeps noster est in centenaria possessione condendi hujusmodi Edicta, quæ possesso tantè virtutis & efficaciz est, ut licet non possit libertatem vel potestate Ecclesiasticam in torum tollere aut obolare, tamen in quibuscdam articulis ei possit derogare. Covarr, pract. quæst. 7. n. 5. Hucusque Anselmo.

364
Et allegatis pluribus Auctoribus, qui te-
nuerunt hanc opinionem, ultimo loco ponit
Tholosan. Syntagm. lib. 9. cap. 3. ubi pro-
bat & tenet, quod manente Matrimonio Ju-
dex saecularis possit imponere prohibitionis
poenas, & eas exequi.

Ansel.

Affl.

196.

Edictum Ca-
roli impone-
riam poenam.Nec obstant (prosequitur Anselmo) ea,
qua in contrarium allegantur: quod enimAffl. d. loc. allegat, statutum laicorum,
contra jus canonicum in materia matrimo-
niali, ipso iure esse nullum, id (nisi fallimur)

ex predictis confutatum appareat. Hæc ille.

Quæ si vera sunt, id est, si Judex saecula-

ris, manente Matrimonio, potest imponere

prohibitionis poenas, & eas exequi; cur non

potest eas imponere per formam poenæ in

ipsum Matrimonium? Nonne id facit Edi-

ctum Caroli 5. dicens: Simili penâ inmodetur

mulier, que juvenem 25. annis minorem se-

duxerit, id est, cum eo contraherit Matrimo-

nium, citra consensum patris aut matris &c?

Nunquid aliter loquuntur Consuetudines

Antuerpienses p. 2. tit. 2. art. 15. ubi sta-

tuunt: Dan de minderarijke ten houvelijcke

komende, sonder ræt van bunnre Onders, ver-

wallen inde pene vande onterfennisse?

Cur ergo Anselmo potius reprehendit hanc locutio-

nem, quam istam?

De minoreniam Matrimonii (inquit ille cap. 17. §. 1.) fine consensu parentum iniit, reverenter respectu Sacramenti loqui convenit; ut praefatum Edictum 1623. fine nomine poenæ, factum referendo, & disponendo. Unde a. 2. d. Edicti 1623. significat Princeps, non aduersus Matrimonium se agere, sed aduersus irreverentiam & inobedientiam filiorum. Hæc ille.

197.

Conuentus Antuer-

pienses vo-

can exha-

redationem

panam.

Sed ego non invenio differentiam inter illum articulum, & Consuetudines Antuerpienses, nisi quod Consuetudo exhaeredationem nominet poenam, quæ est parva, immo, meo iudicio, nulla irreverentia Sacramenti. Art. 2. sic ait: Possunt hujusmodi etiam filii familias, qui scilicet contrahunt insciis aut invitis parentibus, à parte & matre exhaeredari. Consuetudo autem ait: Filii minores, nubentes sine consilio parentum, incurruunt panam exhaeredationis, id est, possunt in poenam sui delicti, scilicet irreverentiae & inobedientiae, à parentibus exhaeredari. Unde non ponitur hic exhaeredatio per modum poenæ in ipsum Matrimonium; sed in delictum commissum à filiis contrahentibus Matrimonium.

Præterea; si verum est, quod, manente Matrimonio, Judex saecularis possit imponere prohibitionis poenas, & eas exequi, difficilis appareat veritas ejus, quod ait Anselmo cap. 17. Statutum, quo imponitur contrabentibus Matrimonia poena, est nullum & invalidum. Caltrenf. lib. 1. Consil. 12. num. 2. & 3.

Et ratio est; quia Matrimonium, & eius cau-
sa, & ipsius dependentia, pertinent ad forum
Ecclesiasticum, cùm sit Sacramentum, cap.
Debitum, & de Bigamis, c. Tuam, & de Ord.
cognit. c. Lator, & Qui filii sint legit. Quo-
propter non potest statutus laicorum regi. Sic
ille. Tu cogita.

Ego interea pego ad jus commune, rel-
etis aliis legibus specialibus, que videri pos-
sunt apud Alios, pego, inquam, ad jus com-
mune, quod etiam statuit poenam exha-
redationis nubentibus fine parentum con-
sentis, non quidem generaliter, sed concurrentibus
his tribus conditionibus. Prima, ut parentes
voluerint filiam Matrimonio collocare, &
dotem secundum vires substantiae sue u-
dere. Secunda, ut filia illi Matrimonio re-
pugnet, & simul vitam luxuriam elige-
Tertia, ut sit minor 25. annis.

Ita colligitur ex Authent. Ut cùm dep-
pellatione &c. cap. 3. ibi: Si aliquis ex pre-
dictis parentibus, volunti sua filia, vel nupti-
um dare, & dotem secundum vires substan-
tiae sua pro ea prestare, illa non conueniat, si
luxuriosam degere vitam elegit. Si vero si-
quid virgininque amorum etatem preuenia
filia, & parentes disulerint eam matre copula-
re, & forsitan ex hoc contingat in suum corpo-
eum peccare; aut sine consensu parentum mar-
je, libero tamen, conjungere: hoc ad ingratis
nam filie nolamus imputari, quia non sicut
pater, sed parentum id commississe cognoscitur. Hi
est undecima cedula, propter quam decernit
in illa Authent. parentes posse exhaeredare
filiam suam.

Circa quam causam observandum primi-
cum Molina suprà n. 12. quem sequitur San-
chez lib. 4. dilp. 24. n. 5. semper praefun-
dum esse, velle parentes virum, & con-
competentem filię aut neptu dare, quoniam
contrarium aliud non constat. Quia (pe-
quit Sanchez) plus filios, quam seruos acci-
gunt; arg. 1. 8. ff. Quod meritis cedula, que
diximus ad Edictum pertinere, nihil sic
est in se quis verius sit, an in liberis suis: an
præ affectu parentes magis in liberis terrenis.

Immò (addit hic Auctor) licet dictum
Authent. videatur exigere, patrem se obtulerit
ad maritandam & dotandam filiam, anno
quam 25. annum expleverit: at verè id non
exigitur, sed potest exhaeredari, licet patr
ad hoc non se obtulerit. Qui forte facultas
non fuit, vel ob negligentiam. Quod clare
significat dicit. Authent. reddens rationem,
quare post 25. annum non possit filia exha-
eredari, ibi: Quia non sua culpă, sed parentum
id commississe cognoscitur: nam pater non vide-
tur negligens, nec culpa reus ulque ad illam
etatem. Et expresse probatur per l. Sif. 1.
liam, 19. juncta Authent. Sed si post, ibi po-
sita, C. de Inoffic. testam. Subdo verba legi-

& Authent. Si filium tuum, eo quod turpiter,
& cum flagitio faiditate vivit, à successione
tua excludendam putes: si non inconsulto calore,
sed ex meritis ejus ad id odium incitatus es, po-
stremi iudicij liberum arbitrium habebis. Ita
Lex Sequitur Authent. Sed si post 25. annos,
te different filiam marito copulare, eam in suum
corpus peccaverit, vel sine consensu tuo, marito
se, libero tamen, copulaverit; eam exheredare
non potes.

Quem casum Covar. cap. Raynusius, de
Test. initio n. 15. alias 21. sic explicat: Si,
inquit, à patre, nondum negligente eam ma-
rito tradere, cùm adhuc 25. annorum ætatem
non excescerit, luxuriosam vitam elegerit,
ita ut meretrix fiat. Hæc ille. Et ita (inquit
Sanchez suprà) juxta hæc, erit sufficiens ex-
heredationis causa, quando filia minor 25.
annorum elegerit vitam luxuriosam.

Ex quo infert hic Autor n. 6. non satis
esse, si semel aut bis copiam sui corporis furti-
tum filia faciat, ut possit exheredari. Quia di-
cit Authent. cit. Ut cum de appellatione,
Luxuriosam degere vitam elegerit. Sic Covar.
suprà, dicens: Ita ut meretrix fiat. Non voca-
tur autem meretrix, quæ semel tantum aut
bis copiam sui corporis facit, idque furtum.
Item docet Molina suprà n. 13. Et licet lex
aliqua Hispanæ videatur exigere, ut in lupa-
nari publico meretrix fiat; at latet (inquit
Sanchez suprà) extra locum publicum; quia
videlicet Authent. illa nullam facit mentio-
nem loci publici.

Cumque etiam non meminerit filii, sed
filius filiæ, non videtur filius posse exheredari,
tametsi ante annum 25. eligat vitam
luxuriosam; cùm enim hæc lex sit poenalis,
non est extendenda ultra proprietatem ver-
borum, maximè cùm non sit eadem ratio;
nam vita luxuriosa filiæ, magis cedit in dede-
cuss familiaris & parentum, quam vita luxuri-
osa filii, adeoque multò gravius est delictum
in filia. Ita cum Aliis docet Sanchez suprà
n. 11.

Hinc etiam fit, ut notat Sanchez suprà n.
7. & docet Covar. suprà, & Alii à Sanchez
citat, estò pater luxuriosè vivat, nihil omi-
nus posse exheredare filiam, luxuriosè viven-
tem ante annum 25. expletum; quia vita
luxuriosa quad infamiam, & damna indè
secuta, non ita vituperatur in viris, sicut in
feminiis, ut Multis citatis, probat Tiraquel-
lus lib. 1. Connub. n. 45. Matrem vero luxu-
riose viventem, non posse filiam ea de caufa
exheredare, arg. I. In arenam, 11. ibi: Nam
talem filium merito quis indignum sibi successione
judicat, nisi & ipso similis conditionis sit. Quia
tunc pari turpitudinis virtus afficitur: Hinc
Gloss. in dict. Authent. verb. Professiones, in-
quit: Nam nihil Iudeus Iudeo, nihil Catili-
na Cæsareo, & nihil dolosus doloso: ut ff. de Do-

to. I. Si duo, & Cod. de Hæred. I. Quoniam. &c
Cod. de Inoffic. test. I. In arenam.

Quod tamen temperandum est, inquit 203.
Sanchez suprà n. 8. nisi mater sit correcta. Etiamma²
Tunc estim, secundum Omnes, potest filiam
meretricem exheredare. Quia jam non est in
pari turpitudinis caufa. Non constat autem
inter DD. quo tempore debeat esse hæc cor-
rectio. Communis enim sententia docet, sa-
tis esse tempore mortis; quia ultima conser-
vatio inspicienda est, arg. leg. Mela, ff. de Ali-
ment. &c. §. 2. ibi: Quid ergo, si cùm testaretur,
minus præstat, plus mortis tempore, vel contraria?
Adhuc erit dicendum, eam præstationem sequen-
dam, quæ novissima fuit. Ubi Gloss. verb. No-
vissima, inquit: Sic habetur Cod. Ne de stat.
defun. I. Si mater. Et nota tempus mortis inspici.

Sed bene (inquit Sanchez) Minchaca de
Successionum creat. p. 1. lib. 1. §. 10. n. 61. L. 14. ff. de
hoc reprobant, dicens, oportere correctam esse
tempore, quo testamentum scribatur: ne
tunc injusta videretur mater, turpitudinem, Minchaca,
in seipso admittam, improban in filio, ob
quamque exheredans in illo testamento con-
tra dict. I. In arenam C. de Inoffic. testam.
Item, quia qualitas adjuncta verbo, debet
intelligi secundum tempus verbi. In delictis,
4. ff. de Noxal. act. ibi. Si extraneus seruus
scientie me fecerit; eumque redemero; noxalis
actio in me dabitur: quia non videtur dominus
scientie fecisse, cùm eo tempore dominus non fue-
rim. Quare cùm dicta lex: In arenam, & Au-
thent. Ut cùm de appell. &c. §. Aliud quoque
vers. Si præter, decidunt, turpiter viventem
non posse ratione similis turpitudinis exher-
dere: intelligi debent, quando similis turpi-
tudo aderat, tempore, quo exheredat in te-
stamento. Haec tenus Sanchez.

Sed mihi magis placet communis opinio; 204.
eo quod testamentum, per se consideratum, Communis
semper usque ad mortem potest revocari & opinio docet,
mutari: Testamentum enim (ait Apostolus satis esse, si
Hebr. 9. v. 17.) in mortuis confirmatum est; tempore,
aliоquin nondam valet, dum vivit, qui testatus
est. Idemque omnia iura, & Gentium mores
docent. Vide Covar. Rub. de Testam. p. 2. in Covar.
principio. Sufficiet ergo, quod mater sit cor-
recta pro illo tempore, quo testamentum
valeret, id est, tempore mortis. Et consequen-
ter dicarem, exheredationem non valere, si
tempore mortis mater sit meretrix, estò talis
non fuisset tempore, quo scriptis testamen-
tum.

Cæterum, ut filia exheredari non possit 205.
propter vitam luxuriosam, oportet, ut com-
plicaverit 25. annos; sic enim scriptum habes
Authent. Sed si post C. de Inoffic. testam. Sed si filia exher-
edari non possit propter
cùm de appell. &c. Si vero usque ad 25. anno
vitam luxu-
rum ætatem pervenerit, ubi ponitur ætas in
plurali, & in genitivo, & cum verbo sub-

junctioni, & cum præpositione, *Per*, quæ omnia perfectionem & complementum important, ut tradunt communiter D.D.I. *Si cui legetur*, in principio n. 5. ff. de Legat. I. Ita Sanchez sup. n. 9.

Sanchez.

206.
An possit ex-
hæredari si
contrahatur
cum seruo?
Affirmat
Sanchez,
cum Gloss.

Sed quid, si post 25. annos filia contrahat Matrimonium invitis parentibus cum mancipio seu servo (nam si cum libero, certum est, quod non possit exhæredari, ut statim patebit) nunquid poterit exhæredari? Affirmat Sanchez supræ n. 10. & colligit à contrario sensu ex Authent. antea allegatis, ibi: *Sed si post 25. annos &c. sine consensu tuo, marito se (libero tamen) copulaverit, eam exhæredare non potes.* Ergo, inquit Sanchez, à contrario sensu, si servo nubat, poterit exhæredari. Ita tener Gloss in dict. Authent. Ut cùm de appell. verb. *Usque ad viginti quinque*, dicens: *Ergo è contra, si fuerit minor, & peccat in suum corpus: justa est exhæredationis causa; vel etiam major, si copulet se servo; arg. ff. de Offic. ejus cui man. est juris. l. i. ibi: Hujus rei fortissimum argumentum, quod lege *Filia de vi nominatim cauetur*, ut is, cui obligatio exercitio, possit eam, si proficiatur, mandare. Non aliter itaque mandare poterit, quam si abesse caeperit: cum alias jurisdictionem etiam à praesente mandetur.*

Sed hoc argumentum à contrario sensu non placet Covarr. to. I. de Matrim. p. 2. cap. 3. §. 8. n. 5. ibi: *Sed nec eorum opinionem coadjuvat, nec nostram improbat text. in dicta Authent. Sed si post, cum sensu à contrario collecto videatur Gloss, opinionem probare; qui quidem sensus, contra jura canonica in conjugali materia admittendus non est; & potissimum, quia in Novella Graeca Justiniani 115. Ut cùm de appell. §. *Aliud quoque, à qua deducta est constitutio prefata: Sed si post, non sint illa verba, ex quibus praedictus sensus colligitur, in Codicibus Halondri: tametsi extant integrè in Scrimgeri editione, & apud Henricum Agylæum, quare consulitiū est, ad iura Pontificia provocare, cum ex littera illius Novelle, etiam juxta vulgarem editionem, Glossarum opinio adhuc proberetur urgentius, quam ab ipsis fuerit adnotata; nimurum juxta vulgarem editionem patrem posse exhæredare filiam, quæ intrâ 25. annum, absque ejus consensu, etiam digno nupserit: item & eam, quæ post 25. annum cum eo Matrimonium contraxit, qui liberæ conditionis non erat. Hæc ille.**

Subdò ego verba Gloss. in Authent. *Sed si posse, verb. Libero: Si ergo vel servo se copulet, vel ante peccet cum quocumque, justa est causa exhæredationis: nam his casibus vetera iura non corrumpuntur: remaneant ergo: ut infra de Appell. l. Præcipimus in fine. Quidquid autem hæc lege specialiter non videtur expressum, id veterum legum constitutionumque regulis, omnes relictum intelligent. Ex quibus verbis manifestè*

pater, eam posse exhæredari secundum hanc Gloss, quæ post 25. annum cum eo Matrimonium contraxit, qui liberæ conditionis non erat.

Quod autem pater possit exhæredare filiam, quæ ante 25. annum absque ejus consensu etiam digno nupserit, falso melior, non videtur recte inferri ex illa Authentica: Ut cùm de appell. quæ tantum loquitur de filia eligente vitam luxuriosam, qualis non est ista, quæ nupserit digno. Immò neque illa, quæ nupserit indigo; unde nec hæc posset exhæredari, dummodo indignus ille sit liberæ conditionis.

Nec obstat; quod in eadem Authentica, inter cæteras causas exhæredationis, nominetur: *Si gravem & inboneſam injuriam ei ingesserit*; nam hoc intelligendum est, iuxta Molinam supræ n. 53. quem sequitur Sanchez Molina supræ n. 13. de injurya per se & directe illata sensu parentibus, qualis est contumelia gravis, vel bo illata, aut qualis est in patris ignominiam cornua pro foribus illius appendere, vel aliud simile; non autem de injurya per accidentis atque indirecte, & præter filii intentionem in parentem redundante, ut est, abjetissimam ducere uxorem, quæ mancipium non sit; filium proditorem esse patrem, ut intentias interficere Regem; filium amicitiam inire cum capitalibus hostibus patris, non animo illos adversus patrem adjuvare, sed quia filio placet illorum amicitia, tanquam aliæ similes. Hæc Molina.

Dices: *I. Non tantum*, 3. ff. de Bonorum poss. contra rab. sic scriptum habetur §. *Si emancipatus: Nam & si tam ignominiaſem duxerit uxorem filius, ut dedecori sit tamq; quam patri, mulierem talem habere: dicemus: ex ea natum ad bonorum possessionem avi adiutori, cum possit avus iure suo uti, cumque (fallere filium) exhæredari.*

Respondet Sanchez supræ cum Aliis, q̄. citat, illam legem esse correctam per Authentican: *Ut cùm de appell. cognosc. ubi deciditur, propter nullas alias causas, quam in expressas, posse filiam exhæredari. Hec tamen non est ibi expressa. Accipe verba Authenticae: Sed quia causas, ex quibus ingenti liberi debeant judicari, in diversis legibus differas, & non aperiè declaratas invenimus: quarum aliqua nec dignæ nobis ad ingratiitudinem visae sunt: aliquæ vero cùm essent dignæ, prætermisſæ sunt: ideo necessarium est per perspicuum eas nominatim præcetti lege comprehendere, ut præter ipsas nulli licet ex alia lege ingratiitudinis causas opponere, nisi quæ in hujus constitutionis serie continentur.*

Porrò in hac serie non contineri causam expressam in lege: *Non tantum*, docet Glossa ibi verb. *Exhæredare*, dicens: *Sed si a boda regis non est de causis ingratiitudinis, que sunt in Aut. in ther.*

themica: Ut cum de appell. cognosc. §. Causas, sum seq. §. Itaque neque ex lege: Non tantum, efficaciter probatur, filium jure communis posse exheredari, si infra 25. annum nupserit indignus, multò minùs si nupserit dignus.

Si autem à me queritur; an teneantur parentes dotem constitueret filiæ, ipsi invitis nubentem. Respondeo cito.

CONCLUSIO V.

Parentes tenentur dorare filiam, nubentem ipsis invitis, in casibus, in quibus non possunt eam exheredare; nisi ita dives foret, ut alimeta haberet.

Suppono ex jure communi, patrem teneri constitutere dotem filiabus, quas Matrimonio collocat. Habetur expressè l. 19 ff. de Ritu nupt. sequentis tenoris: Capite trigesimo quinto legi *False*: qui liberos, quos habent in postfatis, injuria prohibitorum ducere uxores vel ut 19. f. nubere, vel qui dotem dare non volunt, ex conditione divorvum *Severi & Antonini*, per Proconsules Praefectus provinciarum coguntur in Matrimonium collocare & dotare. Ubi Glossa verb. Dotare: Est enim paternum officium datur filias: de C. de Dotis promiss. l. fin. §. Urramusque, ibi: Neque enim leges incognita sunt, quibus cauimus est, omnino paternum esse officium, dotem, vel ante nuptias donationem pro sua dare progenie.

Suppono preterea; dotem non tantum constituit filia, ut virum inveniat, & alimenta habeat; sed etiam ad sustinenda Matrimonii onera; arg. cap. 14. de Uluris ibi: Cum frequenter dotis fructus non sufficient ad onera Matrimonii supportanda. Et leg. 20. Cod. de Jure dotum. Pro oneribus Matrimonii, mariti uero fructus totius dotis esse, quos ipse cepit &c. Item ne à viro spernatur; mulier enim indolata facilè ab ipso deficiuntur, Authent. de Nuptiis cap. 18. ibi: Si quis sub potestate constituta mulierem, voluntate parentum, aut etiam sue potestatis forte ducas uxorem, nequa dotis oblatæ, neque instrumentis dotalibus factis: nuptia quidem sunt, tamen dotalia instrumenta non sibi conscripta, ut non ob hoc vir (quod in multis novimis factum) expellat domo uxorem, sine ultra prædictarum rationabilium causarum.

Suppono 3. ad taxandam dotem, considerandam esse dignitatem filiæ & mariti, quantitatatem facultatis patris, & numerum liberorum. Constat ex Conc. Arelateni & referatur cap. 6. 30. q. 5. Nullum sine dote fiat consilium: juxta possibilitem fiat dote. Ubi Glossa verb. Juxta possibilitem: Id est, secundum facultatem & viri nobilitatem, ut ff. de Jure do-

rium, Quero: quæ est lex 60. & ita sonat. Quero, quæ pecunia dotem promiscentis adulice malieri curator consensum accommodare debet, respondit: Modus ex facultatis & dignitate mulieris maritique statuendus est, quousque ratio patitur. Addit leg. 43. ff. de Legat. L. 43. ff. de Legat. 3.

3. Si filia pater dotem arbitriatu tutorum dari jussisset: Tuber proinde hoc habendum ait, ac si viri boni arbitriatu legatum sit. Labo querit, quemadmodum appareat quantum dotem cuiusque filiae boni viri arbitriatu constituit oportet ait, id non esse difficile ex dignitate, ex facultatis, ex numero liberorum testamentum facientis estimare. His præmissis.

Dico 1. in casu, in quo parentes filiam possunt exheredare, non tenentur eam datur. Ita Sanchez lib. 4. disp. 26. n. 1. cum Aliis, quos citat. Probat: quia alimenta & dotis in jure æquiperantur, valerique argumentum ad alimentis ad dotem; sed dum parentes possunt exheredare, non teneantur ad alimenta; ergo nec ad dotem.

Sed hoc argumentum non videtur convincere; nam secundum eundem Autorem eadem disp. n. 5. quamvis filiae diviti non tenentur pater alimenta præstare, tenetur ramen dotem constituere. Unde in hoc casu favorabilior est causa dotis, nec valer argumentum ab alimentis ad dotem. Et ratio patet ex supposito 2. quia dos non tantum constituit filia, ut viru inveniat, & alimenta habeat; sed etiam ad sustinenda onera Matrimonii. Manet ergo assignanda ratio disparitatis, sive causa, cur potius in uno, quam in alio casu valeat argumentum ab alimentis ad dotem.

Ratio ergo disparitatis videtur esse; quod in priori casu negotio alimentorum procedat ex delicto, secus in posteriori. Porro delictum, quod meretur exheredationem, quæ est maxima poena, & per consequens subtractionem alimentorum; etiam meretur subtractionem dotis, quæ est minor poena, quasi in exheredatione inclusa; quippe dos est quasi pars hereditatis; qui ergo totum meretur amittere, multò magis partem. Cui hæc disparitas non placet; querat meliorem.

Dico 2. pater tenetur dotare filiam majoris 25. annis ipso invito nubentem, estd dotem filiæ non promiserit, indigneque nupserit. Ita docet Sanchez sup. n. 1. cū Aliis, quos citat. Probatur: quia filiæ, ex consensu patris nubentibz absque dotis promissione, tenetur pater dotem constituere; sed filiæ majori non est culpa tribuendum, sine patris consensu nupserit, cum pater fuerit in mora; ergo non est, cur dote privari debeat. Major constat ex 2. Supposito: quia videlicet non tantum dos debet constitui, ut filia virum inveniat, & habeat alimenta; sed etiam ad onera Matrimonii sustinenda, & ne à viro spernatur. Minor probatur ex Authentica: Sed si posset, de In-

214.
Quando
pater potest
dotare filiam exha-
redare, non
tenetur eam
dotare.

215.
Pater tenet
dotare
filiam majoris
rem 25.
annis, ipso
invito nu-
bentem.